



UNIVERSITÄTS-  
BIBLIOTHEK  
PADERBORN

## **Flores Meditationvm**

**Bebius, Philippus**

**Coloniae Agripp., 1623**

Medit. 58. De Appar. Discipulis præsentate Thoma facta.

---

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

mus fugere iudicium Dei, non debemus re-  
formidare iudicium illorum, qui sunt æquè  
infirmi & peccatores, vt nos ipsi.



MEDITATIO LVIII.  
APPARET DISCIPVLIS  
PRÆSENTE THOMA.

PVNCTA MEDITATIONIS.

- I. Thomas cum apparitioni prædictæ nõ Ioan. 20  
interfuisset, protestatus erat: nisi vi-  
dero &c.
- II. Post dies 8. iterum clausis ianuis  
obtulit se videndū Christus, & Tho-  
ma dixit: infer digitum tuum huc  
&c.
- III. Exclamauit Thomas: Dominus  
meus &c. cui subintulit Christus:  
Beati qui non viderunt &c.

PROPHETIÆ.

IN die tribulationis meæ Deum exquisiui Psal 76.  
manibus meis, & non sum deceptus.  
Vias eius vidi, & sanauit eū & reduxi, & Psal. 57.  
reddidi consolationes ipsi, & lugentibus eius.  
Cum reciderit, non collidetur: quia Do- Psal. 36.  
minus supponit manum suam.

DOCV.



## DOCUMENTA.

1. **T**homas quia abfuit ab ea domo, in qua erāt Apostoli, non potuit videre Christum rediuium. Deus solet multas consolationes & spiritualia dona impertiri ijs, qui vnā viuunt in domo sanctæ religionis, quibus priuantur illi, qui foris sunt.
2. Illi nolunt credere ad exemplum Thomæ, nisi videant & tangant, qui tam diu bene viuunt, & Deo seruiunt, quamdiu illis concedit prosperitatem, & bona huius vitæ. Similiter religiosi, qui in operibus diuini seruitii tam diu se fatigant, & sunt diligentes, dum Dominus illis dat gustum & dulcedinem spiritualem, quæ si deficiat, etiam ipsi fatigantur & tepescunt.
3. Christus primò apparuit omnibus discipulis simul, sed quia Thomas non erat cum illis, apparuit denuò propter ipsum solum; Idipsum pastoribus animarum & prædicatoribus agendum, ne existiment laborem suum esse malè positum, etiamsi non adiuuent nisi vnicam animam, cum Dominus ita sit mortuus pro vno, sicut pro omnibus, & eundem laborem suscepit vt iuuaret vnum Apostolum, quàm antea pro omnibus subiisset.
4. Thomas interim dum esset foris, separatus ab aliis Apostolis, fuit afflictus tentatione: sed rediens & manens cum illis, in eadem domo clausis ostiis meruit visitari à Christo: Ita quando obruimur aliqua tentatione, interim dum vagamur per occasiones, & non custodimus cor ac sensus nostros, nec ad illos qui nobis possunt dare consilium, fugimus, non cogitemus nos vnquam adinuandos, aut consolationem percepturos à Domino.

s. Tunc



MEDITATIONVM: 361

5. Tunc Thomas factus est fidelis, & confessus est Christum, quando misit manum & tetigit latus eius: Ita nunquam fides erit perfecta, si non opere compleamus id quod mente credimus.

6. *Quia me vidisti, dicit Christus Thomæ, credidisti, beati illi qui non viderunt, & crediderunt.* Illi facile seruiunt Christo, quibus ipse dat consolationes spirituales; at seruire ei sine consolatione, vt est res maioris difficultatis, ita etiam est maioris meriti, & beatitudinis in cælo amplioris.

7. In vitæ exordio, Christus veniens in *Luc. 2.* mundum pacem attulit, sicut dixit Angelus pastoribus; in exitu item, iam, iamq; a nobis abiturus nobis pacem reliquit, vt intelligeremus totam vitam & perfectionem hominis Christiani, in pace & charitate consistere.



MEDITATIO LIX.

APPARET DISCIPVLIS

DVM PISCANTVR.

PVNCTA MEDITATIONIS.

I. *Palam se denuò fecit Christus piscantibus septem discipulis tota nocte frustra.* *Ioan. 21.*

II. *Per miraculum agnoscens eum Ioannes, ait Petro: Dominus est, &c.*

*Qui con-*